

Valdemar Marcha reeligí komo miembro di direktiva di PCN

Prof. Dr. Ing. Valdemar Marcha ta keda kuater aña mas miembro di direktiva di Fondo di Penshun Hulanda karibense (PCN). Profesor Marcha, ku ta miembro di direktiva na nòmber di e organisashonnan sindikal kolektivo, resientemente a yega na final di su promé periodo komo miembro di direktiva di PCN. El a deklará di ta dispuesto pa keda forma parti di e direktiva e próksimo kuater añanan.

Presidente di PCN Harald Linkels ta sumamente satisfecho ku e desishon akí. "PCN ta un fondo di penshun ku raisnan amplio den e komunidad Hulanda karibense. P'esei ta importante ku nos miembronan di direktiva tin hopi afinidat ku nos partisipantenan den e sektornan di enseñansa i kuido. Valdemar ta un hòmber ku ta gosa di gran rèspèt i konfiansa riba e islanan pa motibu di su papel prominente den sektor komersial, siensia i den komunidad. E ta un intermediadó ku konosementu i eksperensia impreshonante. Ta fantástiko ku e ta dispuesto pa pone e konosementu i eksperensia ei kuater aña mas na disposishon di PCN. Esei ta bon notisia pa e fondo i pa e partisipantenan ku e ta representá."

Valdemar Marcha final di añanan 90 tabata presidente direktor di e kompania di aviashon ALM. Den transkurso di añanan el a konsehá gobièrnu riba diferente área i ta masha respetá den e mundu akadémiko internashonal. E ta rector magnificus di Intercontinental Caribbean University i profesor asosiá na universidatnan na Merka, Hulanda, Israel i Cuba. Profesor Marcha, ku serka PCN ta presidente interino di e direktiva, ta un spesialisista riba tereno di prosesonan soshal-kultural den Hulanda karibense i outor di un gran kantidat di buki.